



**SIUMUT
INATSISARTUT**

10. okt. 2017

UKA2017/57

Innuttaasut qarasaasiakkut toqqaannartumik kigutilerisumut piffissamik inniminniisalernisaannut periuutsimik ineriartortitseqqullugit pilersitseqqullugillu Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Justus Hansen, Demokraatit)

Justus Hansen, Demokratineersup siunnersuutaa Siumumiit imatut oqaaseqarfingissavarput.

Ukiorpanngortuni innuttaasut sapinngisamik peqqinnissakkut inooqatigiinnikkullu pitsaanerpaamik sullinneqarnissaat atugaqarnissaallu eqqartorlugulu qanoq iliuuseqarfingisarlugu ingerlatsivugut.

Siunnersuuteqartup taama siunnersuuteqarnera paasilluarsinnaavarput tunngaviatigullu aamma taperserlutigu. Nalitsinni atotorissaarutitigut inniminniiniarnikkut periarfissat ammanerat ilisimavarput, taamaattumillu siunnersuuteqartup tunngavilersuutai paasilluarlutigit.

Peqqinnissaqarfimmut aningaasat annertuut aningaasaliissutigineqartartut eqqarsaatigalugit apeq-qutigerusunnarpoq kigutileriffik Peqqinnissaqarfiup ataaniittoq misissortikkumalluni inniminniiniarnikkut qarasaasiatigut aaqqissuisimanerannut sooq ilaatinneqannginnersoq. Naak nalunngikkaluarlutigu kikkut tamarmik qarasaasiaqanngitsut, Siumumiit isumaqarpugut tamanna aporfittut isiginagu periarfissalli neqeroorutigineqarsinnaasut tamarmik ammaffigineqartariaqartut.

Maluginiarparput nalitsinni qarasaasiap silarsuaanni inuusugut nunatsinni attaveqaaqatitigut siuarsimassuseq nuna tamarmut isignalugu assigiinngilluinartuusut, Siumumiillu kaammattuumavugut nuna tamaat isignalugu sullissineq nalimmassarneqarnissaa ilanngullugu misissuivigineqaqqullugu, taamaalilluta nuna ataasisusoq atotorissaarutit aqqutigalugit assigiaarnerusumik periarfissaqartitsivioqqullugu

Taamatut naatsumik oqaaseqarluta Naalakkersuisup allannguutissatut siunnersuutaa taperserparput. Takusinnaagatsigu siunnersuuteqartup anguniagaanut naapertuulluinnartumik siuneqarta-qartoq.

Qujanaq.

Laura Táunâjik

Siumut